




Real Estate TV Aruba
Diadomingo 8:30pm na Tele Aruba!

Real Estate TV Aruba, Schotlandstraat #49 Suite 8 Tel: 588 5693-592 3311
 info@realestatearuba.tv

Lucre Houtman



Aruba preparando pa e celebracion di Carnaval 56

ORANJESTAD (AAN): Stichting Arubaanse Carnaval (S.A.C.) ya caba for di final di e celebracion di Carnaval nr 55 a sigui traha pa loke ta e celebracion di Carnaval 56 di 2010. Manera tur hende sa cu Carnaval ta e celebracion cultural mas

grandi cu Aruba ta celebra anualmente. Aruba su carnaval no conoce distincion di raza, sexo, religion etc pero e ta un celebracion caminda cu e pueblo completo ta bini hunto y celebra.

SAC ta informa na e pueblo di Aruba engeneral cu su

oficina ta habri den e luna di oktober riba dialuna, diaranson y diabierna di 9:00am te cu 3:00pm. Pa e luna di november e oficina lo ta habri tur dia di 9:00am te cu 3:00pm.

Durante ora di oficina por busca tur informacion pa loke ta trata Carnaval 2010. Entre otro por pasa busca bo formularionan di inscripcion, regla etc.

Ya cu mester tene na cuenta di algun cambionan cu a conoce den algun regla di eleccionan pa loke ta trata Carnaval 2010.



Logo Carnaval 56: SAC alavez ta presenta su logo oficial pa loke ta trata Carnaval nr 56. Cual ta represeta un figura den forma di candela cu tin tur e atributonan cu por haya den e celebracion di Carnaval.

E logo a worde diseña pa Sr. Chibi van der Hans. SAC alavez ta recorda cu tin derecho riba e logo pues esaki no por worde usa pa tercera persona cu meta comercial sin autorisacion por escrito di SAC. SAC lo publica e discipcion completo den luna di november di e logo di Carnaval nr 56.

SAC ta recorda e publico engeneral pa reserva e

diaranson 11 di november 2009 ya cu riba e dia aki lo ta bay tin e acostumbrado celebracion di apertura di e temporada di Carnaval. Parti mainta lo ta bay tin un celebracion cu invitado y e parti anochi lo ta pa publico.

Caminda cu lo ta bay tin presentacion di musica di Carnaval y tambe shownan di Carnaval. Durante transcurso di siman lo duna mas informacion di e celebracion 11-11-2009.

Telefonan di DIARIO
582-6747 / Fax: 582-8551